

清东华录全编

第九册

东华录

〔清〕王先谦撰

乾隆 九十一—一二〇卷



学苑出版社







清东华录全编

第九册

东华录

〔清〕王先谦撰

乾隆 九五—一二〇卷



学苑出版社



臣王先謙敬編
臣周倫著恭校

乾隆四十七年壬寅春正月庚子諭據陳輝祖閱元覆奏胞弟陳殿祖閱元在甘肅州縣任內捏災冒賑及餽送王直望等銀兩伊二人知而不舉實屬昧良恩誼請交部治罪各招甘省自王直望為藩司與蔣全迪等通同一氣侵帑婪賄種種不法為從來未有之奇貪異事內外諸大臣俱隱忍不言竟無一人舉發陳奏而陳輝祖閱元之胞弟尤係案內人犯其平日家信往來必有確切音問屢經降旨詢問乃始終掩飾狡極不肯奏出實情及嚴切究問若再如前巧言搪塞不但將伊等交部審訊朕必親自廷鞫今始據陳輝祖閱元等各奏稱伊弟變賊舞弊從前亦有所聞並有家信往來止因一經陳奏恐伊弟必罹重罪是以隱忍瞻東華全錄 乾隆九十五

一

徇致涉欺飾實屬罪無可追請交部嚴加治罪等語是伊二人之知而不舉俱已自行供認如出一口似屬實情至此案未經發覺之先朕已早有風聞因案情重大徘徊遲疑者已閱數年昨歲因蘇四十三之事遣大學士阿桂等統兵往剿伊等摺內常稱連得兩澤因降旨詢問該省向來年報早何以今歲得雨獨多其中必有捏飾情弊因而層層致詢顯露端倪阿桂李侍堯亦知事難掩覆遂和盤托出朕思其事不得以人數稍眾竟置不問但朕深以不能道德齊禮使伊等格心方引以為愧至齊之以刑尤屬不得已之苦心陳輝祖閱元畢沅俱係讀書之人當明理義豈不知朕辦理此案之始末乎無論陳輝祖閱元含有伊弟在甘肅其一切通同舞弊之事朕早知其必有確切音信來往即畢沅久任陝西巡撫並前在甘肅兩署督家於該省各州縣侵冒官帑歷年積弊亦無不知之理乃竟巧為支飾欲於朕前嘗試問朕為

何如主乎五倫莫重於君父子為父隱尚為情理所有古純臣大義滅親父且有不能為子隱者況兄弟乎若以其第貳財不法恐徑行舉發罪及其弟因而為之隱忍是止知有手足之私情而不知有君臣之大義顛倒首亂莫此為甚且陳輝祖等若於此事未經敗露之先早為陳奏朕必嘉其公正不但不加之罪必特為褒獎以風勵舉朝諸臣之職然不言者即未滅其弟之罪亦未可知是伊二人之弟之陷於重罪非國法也乃伊二人使之也伊等既甘心隱忍於前及降旨詢問又復希圖掩護隱匿其詞於後仍冀日久或有憐伊二人為因弟受屈者尚得謂之有天良者乎此時即將陳輝祖閱元革職交刑部治罪伊等亦無可置喙惟是將來奏書既定朕斷不肯因其弟株連遞重重典且此案內外大臣皆知而不舉又何獨歸罪於陳輝祖閱元二人見在督撫一時之負陳輝祖閱元尚屬能事者加恩免其治罪仍照畢沅之例東華全錄 乾隆九十五

二

昨為三品頂帶各留本任所有應得職俸養廉永行停支以示懲創嗣後陳輝祖閱元畢沅俱不許呈進貢物即尋常土貢亦著一例停止並令奏事處存記如陳輝祖等仍前奏進貢品即行駁回不必轉為呈進陳輝祖等務各返躬自愧洗心滌慮潔己奉公庶幾可以稍贖前罪如或因停其廉俸藉詞需索致有齟齬不節之事王直望是其前重朕必加倍重治其罪不能再為曲貸也所有陳輝祖等覆奏之摺俱著發鈔將此通諭中外知之○辛亥命江蘇查禁烏槍○甲寅復增西苑辦事筆帖式一員○乙卯建盛京文淵閣時四庫全書○戊午停止伊犁向內地販買貨物○辛酉諭甘肅折收昌賑案內侵吞捏結各員業據李侍堯審明分別定擬具奏至臬司福甯前在平慶道任內扶同捏結不應革職仍著第念該員於此案舞弊實情首先供出且於搜捕安定等處適首馬明心家屬黨羽向屬出力福甯著革職從寬留任八年無過

方准開復○兩廣第一分四庫全書告成○丁卯諭旨蜀道呈一
統志內國朝松江府人物止載王頊齡王鴻緒諸人而不載張照
其意或因張照從前辦理貴州苗疆曾經獲罪又其獄中所題白
雲亭詩語意感情經朕明降諭旨宣示中外因而此次纂辦一統
志遂將伊姓氏里居槩從刪削殊屬非是張照不知朕辨題其案
之公衷而反挾私怨悵誠非大臣公忠體國精白一心之道然其
文采風流實不愧其卿賢董其昌即董其昌亦豈竟純全之正人
君子哉使竟不登志乘傳不藝林致一代文人學士不數十年竟
歸泯沒可乎況從前張照之獲罪因疑為鄂爾泰傾陷其獄中憤
怨之詞亦大都指摘鄂爾泰者居多蓋鄂爾泰欲置伊於死地朕
若聽信其言張照豈獲生全彼不知朕非信讒之主而鄂爾泰又
豈能讒張照之人即如朕初政時戶部尚書缺出果親王保薦
右侍郎托時朕以海望乃左侍郎資俸既深 皇考舊法亦復
東華全錄 乾隆九十五

予擢用夫鄂爾泰之力必不能過於果親王果親王尚不能薦用
一尚書豈鄂爾泰能構一尚書致死耶則念張照係可用之材
因出之固固不數年間由內閣學士洊擢刑部尚書供奉內廷是
朕之待張照始終成全原不以一售之微終始猶棄可謂極優臣
之榮遇即將求國史中亦當令載筆之臣將伊事蹟詳晰編入何
此時纂辦一統志轉供其名耶總之張照雖不得謂醇儒而其資
學明敏書法精工實為海內所共推重瑕瑜不掩公論自在所有
此次進呈之一統志即將張照官秩出處事蹟一併載入其各省
志書或有似此查纂修諸臣皆宜查明奏聞補入並通諭中外知
之○諭本日吏部將侍郎杜玉林查審沙金鳳控告胞兄沙金龍
等廟產搶奪財物一案並未將案犯提齊究審即行完結瞻徇草
率議以隆三級調用不准抵銷一本已照議批發矣此案沙金龍
父子欺誣廟占侵肆搶竊連年計訟地方官置而不辦特命杜玉

林前往查審自應提集案犯秉公研訊俾案無疑竇方為不負任
使況從前欽差審辦案件未有結案後重復赴京控告者即有虛
捏翻控之案及派大臣覆行鞫審亦未有似此罪名出入者乃杜
玉林審辦沙金龍父子起意搶竊各案既不能提集正犯厥究主
使情節率聽讞令頂充之畢顯賢等認爲正犯定擬完結而於署
知州徐士勳到任兩年延閣不辦之故並未附摺劾參該員係杜
玉林同鄉其爲有心袒護已屬顯然難逃朕之洞鑒若不嚴予處
分將來欽差大臣查辦案件皆如此相率效尤朕將何以用人乎
此案杜玉林即照部議實降以示懲儆並將此通諭中外知之
二月戊辰朔轉奏嚴爲刑部左侍郎以汪承霽爲刑部右侍郎梁
教書爲左副都御史 出使使 已巳 上御經筵○以四庫全
書成 上御文淵閣開賜宴並賞賚有差○辛未 上幸南苑行圍
丙子 上還京師○丁丑軍機大臣刑部議覆據陝甘總督李

東華全錄 乾隆九十五
侍奏奏請通達巴彥營前在鎮西府任內收受經方饒送銀一千
兩見在鎮西府富明阿明知經方虧空因恐分賠不行查揭均請
照例擬流應如所請巴彥營照侵盜錢糧一千兩杖流例富明阿
照故出人罪死囚未放減一等杖流例俱從重改發新疆效力贖
罪得旨此案巴彥營在鎮西府任內收受經方饒送銀一千兩明
知該犯虧空帑項已逾數萬因受賄在先懼於舉發又恐自身將
致賠累是以甘爲徇隱嚴其情罪擬署鎮西府之富明阿並未收
受饒送銀兩止係庇護不行揭報者輕重懸殊軍機大臣會同該
部覈擬時自應按例將巴彥營此照經方斬決之罪源一等定擬
斬候方爲允協乃率照李侍堯原擬將巴彥營富明阿均擬杖流
改發新疆殊屬錯謬足此案之軍機大臣刑部堂官及李侍堯俱
著交部議處此案巴彥營改爲應斬監候秋後處決餘依議甘肅
各官上下通同一氣目無法紀至於如此雖王宜望一人之作俑

而官官相護之風至於舉朝皆然朕竟不能以誠感眾實為慚懣不知眾人以爲何如○庚辰諭原任布政使陳用敷前在廣東道員任內因失察黎匪滋事等案部議革任自屬咎所應得但念其究屬因公與私罪有間倘堪棄瑕錄用見在廣西按察使姚梁丁憂所遺員缺著加恩以陳用敷補授○諭軍機大臣等福康安奏謝賞貂褂及糧價軍俱用黃綾此皆無益之費朕於一切無不節儉伊所深知著傳諭福康安嗣後除年節賀摺俱不必妄用黃綾○甲申諭安南國王黎維禪前因盤獲逃犯周貴遣使押送入關賞給段匹等物爾奏陳謝並備具方物附表進呈念其專使遠來不令齋回即准留充正貢以示優恤今據兩廣總督巴延三奏該國王復行具表奏稱接奉恩旨准將此次謝恩儀物充作正貢下方葵菴無以將誠懇請此次奉進方物仍爲謝儀准泊四十八年歲貢之期欽遵常例奉公等語具見該國王恭順忱悃深可嘉尚東華全錄 乾隆九十五

五

若復行卻還轉無以達該國述職輸誠之意所有此次隨表方物該部即行收受其四十八年應進正貢著減常年所進貢物之半至嗣後該國王遇有陳謝章奏一槩毋庸備物隨表呈進以副朕柔惠遠人至意並令該督巴延三傳知該國王遵諭行該部知道○乙酉諭甘肅省各州縣折收監糧捏災冒賑一案其捏結之道府直隸州前經降旨革職交李侍堯查辦有無通同舞弊及別項欺瞞分別定擬具奏茲據李侍堯查明將止經捏結並未收受屬員銀兩之道府秦雄飛劉光昱等一十八員俱定擬已經革職毋庸議經軍機大臣會同該部覆准降旨允行此等捏結之各道府以屬員收捐折色之監糧作爲實貯遇有災荒復聽從王鳳臺等全迪等朋比爲奸浮定分數分派各州縣結報扶同中詳覈其情節即與虛出通關無異按律科罪實所應得止因甘肅通省倉官情罪更有重大於此者不得不於嚴示創懲之中特予加恩未滿設

在他省則執法定擬秦雄飛請入烏得竟置勿論且道府爲方面大員訪察屬吏是其專責即有上司拘勒何難直揭部科乃甘爲扶同出結區家亦安用此道府爲乎見在全案要書已定前任捏結之道員秦雄飛等俱已格外加恩省赦回籍嗣後自當永不錄用以儆官邪各省道府各官有稽查結報之責者均當引爲前鑒儼有似此誣捏袒庇屬員之事一經察出朕必按律重治其罪不得以秦雄飛等諸人之例謂可倖邀寬宥也將此通諭中外知之三月己亥 上親耕藉田○庚子 上啓鑾幸盤山○免經過地方額賦十分之三○壬寅 上駐蹕盤山○乙巳諭朕恭閱 寶錄內載原任廣西巡撫撫蠻滅寇將軍傅宏烈當吳三桂肆逆時督師討賊屢著勳勞嗣復捐軀死事忠藎可嘉因令軍機大臣行查傅宏烈原籍有無子嗣曾否出仕茲據奏稱查明傅宏烈後裔見存曾孫傅世海一人又六世孫傅徵龍等三人俱未出仕等語東華全錄 乾隆九十五

六

傅宏烈係爲國宣勞效命之臣後裔式微深堪憫惻著傳諭那碩爾將傅宏烈曾孫一人及六世孫三人此四人內調取數百擇其中人材有可造就者一人將伊平日所習或文或武之處據實保送到部帶領引見再降諭旨尋奏傅宏烈曾孫傅世海文武皆無可造就又六世孫傅徵龍年九歲徵龍年六歲徵龍年四歲皆甫就學見餉收入書院肄業俟年及歲時選擇一人保送引見下部知之○停止臺灣捐監例○庚戌 上回鑾○辛亥諭浙江海塘歲功後停止歲修柴塘○壬子諭軍機大臣等本日農起與羅布藏多爾濟將阿拉善鹽斤商人不能領運緣由會奏一摺朕以其事既不可行當即照常批示及開費起另招所奏稱大同朔平等屬地處沿邊向係買食口鹽其平蒲澤澤解絳等屬四十四州縣俱係銷食河東引鹽太原汾州甯武代忻等屬四十四州縣係引食土鹽不經商運其土鹽不敷之時民人零星販買蒙古口鹽以

濟土鹽之不足見因查辦鹽斤一事體察民情咸願請將口鹽弛禁又稱見在積存口鹽七百餘萬斤商運雖屬難行而民販往來實爲安便等語此奏次明晰殊不可解豈有商運難行而民販往來能行之理商獨非民乎晉省沿邊各府屬居民向食口鹽嗣以商力疲乏恐官鹽運官經降旨飭禁今因商辦仍多拮据而居民又願食口鹽是以令農起會同羅布藏多爾濟悉心籌酌准各商就地之遠近將口鹽與官鹽一例販運行銷既可便民亦可通商原期兩有裨益且商民一理未有便於民而獨不便於商者乃貴起輒據該商等以轉運口鹽山路崎嶇所需運本重大無力承辦爲辭即將行銷蒙古鹽斤之處奏請停止此必係農起新任該省巡撫於鹽務利弊未能深悉偏聽地方各官詳稟遽行入告而地方官又未免顧顧商人甚或留此載派充商一節以爲賅制富戶地步是以仍請照例停運口鹽爲便其於商人運腳成本究竟如何不便之處又並未切實指陳至其另摺所奏大同朔平等處一帶民人准其自行赴口販運此等民人商人獨不可雇而用之乎又稱專食土鹽之處於官引原無干礙而口鹽又在所必需並查緝見在蒙古有積存鹽斤以蒙古之有餘補內地之不足源源接濟委屬兩有裨益之語是又爲周旋羅布藏多爾濟起見若作和事老人者然殊不知封疆大吏於地方公事關繫商運民食利病自應秉公定議不得存依違兩可之見調停完事且口外鹽斤既聽沿邊一帶及專食土鹽各處居民自行赴販販賣不歸商運則小民惟利是圖其銷食何東引鹽之平浦等屬四十四州縣如何設法查禁不至透漏有妨官引之處農起亦未逐一詳悉籌畫分晰奏明設有不便將來又如何辦理善傳論農起伊係初任該省巡撫於此事無可瞻顧迴護自應一秉天良徹底通盤籌算將歷年各屬商民實在情形及地方官有無蠲派富戶充商之事再口

外鹽斤是否可以行銷並如何設法調劑不至有礙官引使商民兩得其便可以永遠遵行之處另行稟公據實熟籌妥議詳悉具奏到日再降諭旨○癸丑楊魁因病解任調雅德爲福建巡撫以尙安爲廣東巡撫無詳據爲陝西布政使○甲寅 上還京師○乙卯免甘肅積年通賦

夏四月戊辰諭國家養兵衛民期於得用遇有調遣若能奮勇爭先克敵制勝必立加獎拔卽或臨陣傷亡亦獎予優卹所以勸勵戎行恩至渥也若兵丁身列行間不思效用竟至畏葸脫逃自應立正刑誅以彰憲典並不得以人數眾多稍從寬減明季軍政廢弛隨征兵丁每多臨陣怯怯望風潰散此皆平日紀律不嚴罔知法度以致貽誤國事或由上恩不下逮或由劣將扣剋軍糧我朝無此事也前次勦進金川脫逃綠旗兵丁本皆罪應斬決之犯特因事隔多年不忍懸予驕誅是以特降恩旨予限一年准其自首免死改發新疆復於本年三月內意其未能徧知恩旨再予寬限展至明年九月此實朕法外施仁於無可寬減之中予以一綫生路逃兵等稍有自心自應卽時投首乃各省投報到案者甚屬寥寥是該犯等並改遣之罪亦圖倖免可謂施之以恩而不知感德之以法而不知畏罪頑不靈莫此爲甚擊獲正法伊等亦死而無怨惟是各省督撫接奉節次所降恩旨後爲日久茲始據福康安奏到川省自首逃兵三名而他省並無奏報若是福康安辦理此事頗見認真其各省督撫不過委之州縣出示城署了事並未督飭各屬實力奉行多方曉諭俾窮鄉僻壤一一周知以致潛匿逃兵未能共悉恩旨自行呈首仍致被獲獲法豈不罰朕法外施仁之意耶督撫之於州縣當如臂之使指方能驅策得力若似此空文塞責有名無實封疆大吏實心任事者豈宜如此所有各省督撫著通行由督嗣後務須各據天良嚴飭所屬將前降恩旨刊刻

簡明告示分發偏貼廣爲傳播以期家喻戶曉俾得及早呈投自全軀命逃兵等經此諄切曉諭三令五申之後尙有仍前伏匿不首者一經拿獲必當正行正法決不寬貸將此再行通諭中外知之○庚午諭軍機大臣等據御史錢體參奏山東巡撫國泰貪縱營私布政使于易簡亦縱情搜賄與國泰相埒等語葉佩蓀由山東按察使升任湖南布政使離山東不久巡撫布政如此婪賄不法斷難諉爲不知今特派尙書和珅左都御史劉墉等前往秉公據實查辦並帶同該御史錢體前往斷無不水落石出之理著傳諭葉佩蓀即將伊從前在山東任內所有見聞國泰等如何貪縱營私之處逐一據實速奏若稍有徇隱將來和珅等審明果有其事葉佩蓀何以對朕葉佩蓀在山東將及二年必有聞見且此事與伊無涉毋庸迴護若明白奏出朕亦不治其一向徇隱之罪所有錢體摺著鈔寄閱看○辛未諭旗人外任年老有疾願回旗者東華全錄

乾隆九十五

九

仍留本身世職賞食全俸如勒令休致者本身雖有世職亦不准食俸著爲令○王申諭 常寧大典朕親詣行禮凡在 壇執事諸臣胥應共矢恪恭 壇內一切禮器於朕未經齋宿之先禮部工部太常寺豫行派員周視均宜敬謹安設誠以敬 天大典小心昭事之忱大小臣工所當共懷乃本日朕行禮時見 壇內懸挂天鏡僅止二盞又更衣帷次所設坐褥亦不整齊 郊壇典禮朕親詣行禮尙如此草率不敬若違官恭代更不可問矣其罪甚大非尋常錯誤止交部議處者可比工部堂官羅源漢等近因福隆安患病精神不能周到遂各委蛇袖手而派出司員等亦俱怠忽從事以致種種玩誤不可不嚴懲儆福隆安若照常視事時遇有此等錯誤其處分必較諸人加倍姑念患病屬實加恩免其革職仍罰公俸十年所有工部尚書羅源漢侍郎即穆親兼管太常寺事務禮部尚書德保侍郎德明俱著革去頂帶花翎仍革職

從寬留任十年無過方准開復工部侍郎徐績由巡撫獲告復用爲侍郎並不實心奉職其罪更重徐績著革職自備資斧前往和闡辦事更換達爾吉善達爾吉善俟徐績到後卽往喀什噶爾更換阿揚阿阿揚阿著前往葉爾羌更換復興同京至署理工部侍郎曹文植署任未久又兼署戶兵兩部事務福長安昨日前經兼署然亦均難辭咎著交部嚴加議處曹文植不必兼署工部侍郎事務至禮部太常寺堂官專司典禮乃以疎備天鏡等項係工部承辦慢不關心不過照例站班置身事外均失人臣敬事之義所有禮部尙書曹秀先禮部侍郎達椿莊存與錢載太常寺卿肅普洞阿悅承寬少卿扎郎阿孫士毅俱著一併交部嚴加議處至專司懸挂天鏡鋪設更衣帷次坐褥之工部司官並著該堂官查明章職發往伊犁效力贖罪其工部派出之查驗司官並著該堂官查明嚴參辦理以示懲儆夫敬 天所以勸民龍見而享典禮尤重朕古稱之年尚敬謹爲民請命乃大小諸臣疏忽若此不得不嚴加懲創不能以己化人實益懋德將此通諭中外知之○諭杜玉林前於刑部侍郎任內因雷辦案件有心曲庇故依部議降調但其材尙可用著加恩補授工部侍郎仍兼刑部侍郎上行走帶革職留任八年無過方准開復○己卯諭昨御史錢體參奏山東巡撫國泰布政使于易簡貪縱營私勒派所屬州縣以致應城等處倉庫多有虧空各款頃一摺特派尙書和珅左都御史劉墉並帶同御史錢體馳赴山東省城嚴查辦理今據和珅等奏先將歷城縣庫盤查查出該縣知縣郭德平虧空銀四萬兩有那移掩飾之弊並詢問國泰任意婪索各屬員盈千累萬各款蹟亦俱承認俱係調任漳州府前任濟南府知府馮延經手從前係呂爾昌經手又于易簡身任藩司一任縣庫虧空扶同弊混甚至見巡撫時長跪叩謝卑鄙無恥其餘案內款蹟見在徹底嚴究等語國泰于

乾隆九十五

十

易簡呂爾昌馮延郭德平均著革職等因交和坤劉墉嚴切詢究定擬並著薩載派員將呂爾昌迅速解往山東歸案辦理所有山東巡撫員缺著明興補授即赴山東新任接印辦事俟此案結後再赴熱河陛見請訓明興未到之前著諾穆親暫行署理直隸布政使員缺著陝西布政使祥鳳調補所遺員缺著西安糧道圖薩布署理○以孫士毅為山東布政使以陳淮為安徽按察使由陝西○庚辰論軍機大臣等昨和坤查奏國泰于易簡一案已降旨將國泰等革職等因傳諭和坤等遵照研訊又國泰此案即勒派通省屬員焚索銀八萬兩從前不知凡幾較之李侍堯在滇省索取礦廠餘息者其罪較重且此銀數乃據馮延呈出本年經手之件其從前呂爾昌經手者又有若干務須逐一根究不得將就了事至于易簡前據錢澧奏自上年入覲回任之後自謂於國泰有保奏之力遂亦縱情賄賂與國泰相埒等語果如所奏得東華全錄一覽乾隆九十五

賊屬實是竟欺君罔上以隨其焚索之私其罪更浮於國泰自應即行正法若無其事止於畏懼巡撫不能據實參奏甚至長跪回諂乃其人品卑鄙不堪較之國泰勸派各屬者情節則稍輕矣此處乃于易簡生死所關必使案情明晰證據確鑿方成信諫此事在省各官均可逐一體問至錢澧既有此奏其間之何人有何證據自必確有指陳實蹟若止稱風聞言事又因國泰于易簡見已革審問罪即可完事不欲更為已甚則大不可試思伊所奏于易簡若實則罪應斬決若所奏不實則錢澧之不是為何如乎朕於辦理庶政一秉大中至正如此不為已甚則可若內外大小臣工不據實秉公亦託言不為已甚可乎總之此案惟慎情定罪明白允當有則有無則無朕不肯曲庇國泰于易簡又豈肯枉屈國泰于易簡乎著和坤等將此傳諭錢澧令其與于易簡質對明確據實覆奏不可顛預混過作和事老人也至昨所奏見在盤查歷城

縣庫虧空銀四萬兩因銀色不對查出那移掩飾之弊此事前經面諭和坤劉墉等今果不出朕之所料其餘錢澧捐參之三州縣恐亦不免有此等情弊務須詳悉查明水落石出不可因歷城已經辦出而不加詳細盤驗任其蒙混掩飾此三處和坤劉墉即不能親往或諾穆親明興錢澧等均分投往查或令梁肯堂同軍機司員赴彼詳查以服錢澧之心至通省虧空人數眾多雖與甘肅上下通同一氣公然昌販殃民者有間然較之直隸各處因辦差致有短缺者不同如果各州縣自知畏法不敢以官項為結歡上司之資何以致有虧空今朕格外施恩不欲復與大獄然不可不徹底詳查予以限期令其上緊彌補倘有因此次從寬仍復任意延宕不即抵補者即當嚴參治罪惟在新任巡撫明興率同新任藩司孫士毅仰體朕意妥協辦理又梁肯堂見因欽差嚴詞始供出于易簡見巡撫時長跪無恥此等情節若梁肯堂日久恐亦所不免設果伊守正不阿豈有到任數月於國泰種種貪縱不法全不聞見之理何以不行據實奏聞和坤等即以此問之梁肯堂令其自行明白據實覆奏又和坤劉墉等昨所奏摺內有于易簡稱國泰聞有欽差過境恐有盤查等語此事必有人與信今日傳詢國霖據稱伊母於前月二十五日起身前往山東恐途中間有欽差之信不能放心是以於初四日遣家人套兒前往並言並非與國泰送信套兒見在山東可以確訊等語此事不可不嚴行訊究國霖遣人前往何以不先不後亦於初四日出京顯然通知國泰令其諒為地步著和坤等將套兒嚴切訊問究竟如何遣伊送信並於何日到東省之處詳悉具奏此案國泰自應按律定擬斬候于易簡有無變職情節出入罪關立決著和坤等一秉天良不得絲毫含混略輕重朕於辦理庶務必期真知灼見從不肯調停遷就為和事老人之見劉墉向在外任或未能深悉和坤日侍禁

廷豈得諉爲不知將此傳諭和珅劉墉等令其悉心詳細辦理完結後再令和珅押帶國泰于易簡來京若崇情未明卽於朕啟鑒後趕赴熱河亦不爲遲至明與昨諭令卽由保定星馳前赴山東省接篆任事所有節次所降諭旨並和珅等奏摺夾片著一併鈔寄明與閣看以便遵照辦理○辛巳 上閱火器營兵○改譯遼金元三史告成 御製序曰改譯遼金元三史成司事者以序諸史無序例也齊梁陳書及後五代乃有序蓋出於宋臣修史者初爲之飾何也亦足觀其政之不綱而事之紛紊也若今三史之請序將比於孰乎曰彼之序皆序其事而此之序乃序其言則不可以齊梁等比之矣序其言亦非爲之修辭飾說乃改譯漢文譯其國語之謬誤者至於其國制度之理亂君臣之得失未嘗一字易蓋史者信也所以傳萬世垂法戒彼其時之史或已不能保其必信數百年之後無庸爲之修飾且改譯者不過正其謬誤之語而東華全錄 乾隆九十五

其舊史之布天下者自在也讀史者執舊簡而證以新書則可知語之異而事之同則此序之不可不作乃所以明吾志也天春秋一字之褒貶示聖人大公至正之心若遼金元三國之譯漢文則出於秦越人視肥瘠者之手性情各別語言不通而又有謬誤哂斥之意存焉此豈春秋一字褒貶之爲哉向於改譯三史之旨及同文韻統熱河志諸序已屢言之茲不復贅夫遼金雖稱帝究屬偏安元雖一統而主中華者纔八十年其時漢人之爲臣僕者心意終未決於我國家承 天庥命建極垂統至於今百四十年矣漢人之爲臣僕者自其高曾逮將五世性情無所不通語言無所不曉且今之纂修諸臣卽有善過情書兼習諸國字之人則茲三史必當及此時而改譯其謬誤者是則吾於遼金元三代實厚有造而慰焉雖然造非吾造乃 天造我國家重恩累洽而後得此則所以祈 天永命日慎一日之忱惟益兢兢懼乃勝於慰焉

云耳○壬午諭凡陣亡者給與世職仍當恩騎尉世襲罔替其傷亡者不必給與著爲令○實授副薩布陟陝西布政使○癸未諭昨於養心殿存貯各書內檢有明朝宮史一書其中分敘敘述宮殿樓臺及四時服食宴樂並內監職掌官闈瑣屑之事卷首稱蘆城赤隱呂慈校次其文義猥鄙本無足觀盡明季寺人所爲原不堪探登册府特是有明一代批政多端總因閣寺擅權交通執政如王振劉瑾魏忠賢之流俱以司禮監秉筆生殺予奪任所欲爲遂致阿柄下移乾綱不振每閱明代宦官流毒事蹟殊堪痛恨卽如此書中所稱司禮監掌印秉筆等竟有秩尊視元輔權重視總憲之語以朝廷大政付之刑餘俾若輩得以妄竊國柄奔走天下卒致流寇四起社稷爲墟伊誰之咎乎著將此書交總裁等照依原本鈔入四庫全書以見前明之敗亡實由於官監之肆橫則其書不足錄而考鏡得失未始不可藉此以爲千百世殷鑒並將此旨東華全錄 乾隆九十五

錄冠簡端○乙酉諭軍機大臣等據和珅等奏國泰勅派屬員于易簡尚無妄索各情節一摺所奏俱已明晰摺內所稱國泰供呂爾昌前任首府時代辦物件並各州縣幫費俱係呂爾昌經手等語已節次傳諭薩載將呂爾昌毋庸解往東省卽迅速押解來京質審矣至于易簡有無妄索屬員銀兩一節既據詢問眾人並未訊于易簡之管門家人堅供實無賄據惟年節收受屬員水禮細段等物傳訊鑄還面質亦得之傳聞不能指實各等語看來情節不過如此國泰係小有才之人其居心巧詐因于易簡已經保奏不肯因此假之詞色致逼省屬員不怕巡撫使薩司得分其權勢所以故爲嚴厲不給顏面且明知于易簡已經保奏不敢復參轉得肆行無忌恣情婪索而于易簡係庸懦卑鄙不堪之人甘心隱忍曲意逢迎是以逼省屬員共相鄙薄不肯送給銀兩所奏各供自係實情此案大槩已有根據不過如此和珅卽可一面定案

奏聞一面押帶國泰于易簡來京其呂爾昌亦可於五月初到京當面實對至錢禮所奏章邱東平益都等三州縣自應與歷城一律徹底清查不可顛預了事著劉塘諾穆親親往盤查實在有無虧空並將錢禮留於東省不妨令其同查俟查明三州縣後一同回京錢禮所奏國泰款項已實至于易簡搜賄證據何以不能指出若知而不言是既託名正直而又欲爲人存留地步調停將就亦屬非是今既取供于易簡雖未收受銀兩而水禮細段亦屬不應收受則所奏尚非無因朕亦不加深究至指參之三州縣虧空必應逐一嚴查務使有無虛實毫無隱遁方成信謫至通省州縣之虧空人數眾多且出自國泰之抑勒朕實不忍似甘省之復與大獄著明興詳查妥辦酌量輕重與以二三年之限令其自行彌補此係朕格外施恩若衆人不知感知懼仍復因循延宕是伊等自取重戾不可復寬著明興嚴參按律從重治罪此時明興東華全錄 乾隆九十五

係新任巡撫毫無瞻顧自當仰體朕意悉心妥辦也至國霖遣家人套兒送信一節已將國霖革職交軍機大臣會同刑部嚴訊自得實情將此由六百里發往並諭諸穆親明興知之○丁亥上閱健銳營兵○己丑大學士三寶等議欽差大學士公阿桂等奏詳符入堡十六堡張家油房曲家樓等處屢次漫溢灘面淤高且無可別開引河之地其自曲家樓一帶經上年興減後衝成溝槽坑坎縱橫無數難以施工相度地勢惟南隄外尚可更改遷移當於青龍岡迤上南岸隄內履勘測量自蘭陽三堡起向東地勢就下較隄外大河水面低至三四尺不等若比河唇灘面則低一丈五六尺至二丈不等自此至考城商邱等汛共一百七十餘里大率相同見擬於相距南隄十丈外建築大隄一道又前次南岸漫水所過本有沿隄舊河形再開挑深數尺引河一道俾得就下查此兩項工程計長一百六十餘里工大費繁非四五

之入不能竣事俟渠已挑成隄築數尺後卽於蘭陽三堡老隄側空寬深缺口導水進內由引渠下注從商邱七堡出隄歸入正河大溜勢必全掣向東下歸故道入海其曲家樓漫口自可堵閉此事一成可望數年無患至隄內民田廬舍原不能無礙且考城一縣亦須遷移避水臣等先期出示曉諭妥爲籌辦保護安全小民自必樂從等語應如所奏行再臣稽璜更有請者南岸蘭陽三堡建隄開渠通盤籌畫實於事勢恰當惟是大汛將屆將來伏秋盛漲之時上游險工頗多設其時大溜南趨或歸中泓情形又有變更則青龍岡漫口堵築尤可不費人力况值大雨時行之際築隄挑河均不能不稍稽時日或俟秋水退時再行開工似無趕辦不及之處報可○庚寅諭軍機大臣等昨據阿桂等奏南岸築隄改渠一摺批交大學士九卿議奏今日復召見大學士尚書與軍機大臣等面降諭旨詢問見辦河工除築隄改渠之外是否別有

東華全錄 乾隆九十五
長策僉稱青龍岡壩工屢築未就自應於南岸改辦即目前形勢而論不得不不如阿桂所奏辦理又據松璜奏請俟白露過後秋水退時再行施工等語河工乃國家大事關係民生不獨朕日夜焦勞凡在廷大臣均應盡心籌慮以期有裨國是稽璜此奏亦有所見其是否可以待至八月後施工不致趕辦不及之處著傳諭阿桂等再行通盤熟籌據實具奏至青龍岡壩工現在既不能堵合其所存口門三十餘丈務須保護完固不得續有塌失方爲妥善總之此事朕毫無成見惟期於民生實有裨益阿桂等昨所奏蘭陽三堡建隄改河卽係朕前旨所指之迤南一帶另籌去路惟前旨係通論大勢未嘗身親履勘自擊情形今既所奏圖說阿桂等既經親勘籌酌得宜飭下廷議眾謀會同自應照所奏辦理至稽璜所稱緩至秋間開工之處亦爲斟酌事勢慎重要工起見阿桂等身親其事見聞真確果否可行候阿桂等奏到再降諭旨所

有大學士九卿奏摺同此旨由六百里發往傳諭知之○辛卯諭從前公阿勒景阿在散秩大臣上因體疾不甚當差經朕解退伊散秩大臣令其在侍衛上行走阿勒景阿即當感激朕恩在侍衛差使上奮勉行走今又將及五月並未當差實屬不堪造就就有朕恩阿勒景阿著革去公爵作為藍翎侍衛發往伊犁效力贖罪此公爵交該旗照例辦理○壬辰協辦大學士吏部尚書蔡新乞假允之以劉墉署吏部尚書○諭軍機大臣會同奕廉等將李侍堯奏甘省提災昌賑案內見在擬斬監候之閔鵬元等十七犯續行查出任內虧缺銀糧草束等項數擬具奏請旨即行正法一摺此案閔鵬元等十七犯於甘省歷年災賑項下焚得多贖數至盈千累萬上年辦理通案人犯時因擬入斬決人數眾多不得不略為區別而該犯等侵冒銀數亦尚在二萬兩以下是以姑從寬改爲斬候令刑部存記入於今年秋審情實臨期再行請旨朕於辦理庶務從不爲已甚如該犯等情節有一錢可原告倘欲加恩曲宥今據李侍堯續行查奏該犯等任內各有虧缺銀糧草束各項錢糧多者至五萬九千餘兩至少者亦有數千餘兩不等則是於捏災冒賑本罪之外又復任意侵欺毫無顧忌多一虧空罪名實爲從來所未有此而不辦何以懲貪黷而申國憲閔鵬元等十一犯統計前後侵虧銀數均已在一萬兩以上罪實無可復追閔鵬元杜耕書楊有漢覺羅福明林昂霄王瑞順汝衡墨爾更額趙元德龐樓沈泰均著即行處斬其重熙等六犯雖係議斬決亦屬罪所應得但其冒賑並虧空銀兩數計尚在一萬兩以下重熙丁愈華廷賜章汝村李弼棠觀海俱著從寬改爲應斬監候秋後處決俟本年朝審句到時刑部請旨辦理近年侵食案件屢經敗露如王宜望一案甫經懲創今又有山東國泰之勒派屬員焚索多贖而屬員中亦有虧空者豈水懦民玩逐致僥倖身試恐不畏法

東華全錄

七

東華全錄

六

者多耶所有閔鵬元等著派胡季堂福長安景熿前往監視行刑即將此旨宣諭該犯等使知情真罪實當由自取將此案分別辦理緣由通諭中外知之○諭阿勒景阿公爾係皇祖妣孝誠仁皇后初封承恩公爾即獲重罪不惟不可削除在朕觀之亦屬不忍皇帝始封之后及誕育皇帝之后所封承恩公爵非其爵所封承恩公爵可比即其人獲罪深重革去公爵亦不應削除自應於別支子孫內揀選承襲舊軍機大臣及該旗敬錄此旨億萬年永遠遵行外其善保前因打死家人革去公爵今已悔過效力多年著加恩將此公爵仍令善保承襲善保務恩朕恩看勉行走不可仍蹈前轍任意乖張○甲午諭工部尚書羅源漢年力已衰難以供職著加恩給還頂帶以原品休致所有工部尚書員缺著劉墉補授仍兼署吏部尚書管國子監事務其都察院左都御史員缺著王杰補授彭元瑞著調補吏部侍郎曹文植著調補戶部侍郎東華全錄

五月丁酉朔諭吏部議奏前任山東按察使葉佩恭及見任山東

按察使梁肯堂與國泰于易簡同城並未將國泰等縱情婪賄情節據實參奏俱請旨革職交刑部治罪等語。國泰與督撫最為切近遇事稟承商榷原不得干預督撫之權。然督撫自有乖張任性及婪索屬員贓蹟顯著之事。平日見聞既確自應據實入告。若竟似此徇隱不言亦安用此藩臬為耶。葉佩蓀等即照部議革職治罪。亦不為過。第念葉佩蓀望高堂較之于易簡之卑鄙無恥朕當面問伊尚甘為掩飾欺君者尚屬有聞。但伊二人在山東臬司任內久暫亦有不同。茲特加恩免其革職治罪。仍分別降調以示平允。葉佩蓀在任將及二年。著加恩以知府降補梁肯堂僅止數月。加恩以道員降補朕於諸臣黜陟一秉大公。從無屈抑該員等。經此番加恩甄錄之後尤當知愧勉力報效。以贖前愆。將此通諭知之。○諭據李侍堯奏查明泉蘭等三十四廳州縣虧短倉庫確數共銀八十八萬八千九百九十餘兩。又虧空倉糧七萬華全錄。乾隆九十五

侍寔福松等辦理此案徹底清查尙屬實心。即見在道府及州縣多係新任若令攤扣養廉辦公未免竭蹶且恐將來轉有藉詞賠累復致虧缺之弊。並著一體加恩免其分賠。此次寬免之後若再有虧短一經查出斷不為之曲貸也。該督撫仍當不時查察毋得稍有徇隱。將此通諭知之。○諭烏魯木齊採買糧價各州縣任意侵蝕一案。今據喀爾喀查明奏此案奎林雖未似索諾木策懷有勒索屬員禮物之事。伊在烏魯木齊都統任亦幾一年矣。明亮甫經到任即能查明參奏伊何竟無見聞。若論其罪應將伊公爵竟行削除。但念此承恩公爵並非奎林本身軍功所得。乃孝賢皇后之承恩公爵也。與皇祖妣孝誠仁皇后所封公爵無異。斷不可削除。以襲舊公之例而論明亮係伊家長房應令其承襲。但伊係伯爵此案又係伊查辦者自不應令其承襲。福隆安一支亦有公爵。孝賢皇后昆弟內惟餘傳玉一人又係奎林明亮福隆安等長輩所有奎林革退之承恩公爵著加恩令傳玉承襲。○以李封為湖南布政使王果為浙江按察使。○以馮晉祚為山東按察使。○庚子諭朕恭閱皇祖實錄所載肅清吳逆平定川陝事蹟因取張勇趙良棟王進寶三人國史列傳詳加披覽其功績實有不可沒者。當與逆煽亂川陝兩省提鎮王輔臣吳之茂等相率從賊維時西陲告警張勇以雲南提督調回甘肅授為靖逆將軍勇躬履行間殫心籌畫攻取平涼底定秦隴其間收復洮河諸郡及舉發偽札執斬來使諸事居然有古名將風而趙良棟之授為甯夏提督即係張勇所薦又王進寶亦曾隸勇麾下兩人提兵轉戰同心效力趙良棟首先建議直取成都王進寶戡定保甯擒擒渠帥其削平恢復之勳亦不可泯。厥後張勇封侯趙良棟王進寶僅得子爵蓋緣兩人各懷私忿互相攻訐之張勇之勤勞懋著始終無過音實遜然兩人之功究足以掩其過今百

年論定曉念成勞趙良棟王進寶宜量加追敘前於乾隆三十二年特降恩旨令張勇等子孫世襲因督張勇本侯爵其元孫張承勳承襲因曠班革去散秩大臣在三等侍衛上行走茲特加恩復還散秩大臣照舊供職至進取雲南恢復成都趙良棟之功爲最原封一等子著晉封一等伯王進寶原封三等子著晉封爲一等子仍准世襲因督並交該督撫查明趙良棟王進寶見應襲職子孫送部引見候朕酌量錄用以示優眷夫兵可百年不用不可一日不備國家承平日久每溯前勲爰思將帥如張勇趙良棟王進寶諸人將材武略獨出冠時名炳旂常賞延苗裔凡在戎行者尙其益勵趙桓以副干城腹心之寄將此通諭中外知之○諭昨因國霖遣家人往伊兄國泰任所將國霖革職已交刑部今審訊得並無與國泰寄信情弊且國泰之犯罪原無關於國霖之寄信與否著加恩賞給國霖三等侍衛在大門上行走贖罪○辛丑定哈

東華全錄 乾隆九十五

三

拉巴爾噶遜新建城名曰嘉德城門東曰寅輝西曰仰極南曰成順北曰遵道○戊申 上啓鑾秋獵木蘭○免經過地方本年額賦十分之三○辛亥直隸總督鄭大進奏保定省城南有九龍河一道發源於望都縣之九龍泉由清苑之張登鎮安州之依城河新安之長流河至任邱之十一橋入淀該州縣等旱潦藉以蓄洩商販由此往來比年來日漸淤淺亟宜挑挖至河身高低不一全賴關坐以司啓閉九龍河自望都縣東門外響隔以下僅設殷家營高鎮村二閘自殷家營至清苑縣境長六十餘里河水迅駛必須添建閘座清苑境內於再村鄧村營頭村添建三座又該縣自陽城村至張登鎮原有石橋十座俱坍塌應修至安州新安任邱河身間有沙淤均應一律疏濬得旨如所議行○甲寅閩浙總督兼管浙江巡撫陳輝祖奏仁和西塘頭圍爲江海交接處向無工程北岸接連嘉湖二府水道遞相貫輸每遇江水挾潮而來或

沙期盛大山水陡發該地被汕蓄爲尤甚因思頭圍挺出海灘甚漲若順江海往來之勢於溜行直注處開切通流則沙淤自無停積當即遴選幹員開挖引河七百五十丈寬二十丈深七尺適值山水漲發大溜直趨引河兩岸衝激原寬二十丈者今寬九十餘丈原深七尺者今已深二三丈以外絕無停淤至南岸蕭山縣之英家灣該處形勢背灣漸有停淤臣已委員查勘另由蕭山縣之義橋轉運赴工此係由內河經行較海道更爲平穩得旨可嘉之至有旨交部議敘○甲寅 上駐蹕避暑山莊○乙卯諭據陳輝祖奏海塘頭圍開濬引河江潮暢順一摺所辦甚合機宜可嘉之至海塘南岸淤沙縣互從前應辦引河迄無成效陳輝祖能督率司道等悉心講論辦理此段工程於南圻北漲之機切中窾要將來魚鱗石工告竣可以永期鞏固此事陳輝祖所見既確不待奏聞即督同屬員實力妥辦在工人員亦皆能協力襄事均應嘉獎

東華全錄 乾隆九十五

三

陳輝祖著復還總督原品頂戴其承辦此工之藩司盛佳以下各官並著交部議敘所有開河工費仍准作正開銷至高勒渾前因王賈望案內降爲三品職銜加恩授河南巡撫今兩載以來辦理工備夫集料諸事不辭勞瘁及李侍寬前經獲罪加恩以三品職銜署理陝甘總督任後於該省折收冒賑全案徹底查辦不避嫌怨見在邊省積弊漸清不負朕棄瑕錄用之恩高勒渾李侍寬俱著復還原任品級頂戴朕於諸臣功罪職陟一秉至公不存絲毫成見內外臣工宜各知懲勸努力辦公毋負朕任使之意並將此通諭中外知之○丁巳命直隸承德府平糶

六月丁卯調汪承需爲工部右侍郎杜玉林爲刑部右侍郎○王申刑部議伊犁將軍伊勒圖奏從前擬流改發伊犁之原任典史要俊卿十年期滿例應回籍得旨此案要俊卿一犯本擬接律杖流因該犯圖避處分誣稟上司居心險詐情節較重是以從重改